

梁寒操著

西行亂唱

新疆日報社發行

民國卅二年七月

梁寒操著

西行亂唱

新疆日報社發行

民國卅二年七月

西行亂唱序

喜聽人唱，亦時喜自唱，於休暇之候，勞作之餘則尤然。此人之常情也。吾受天一命來茲世間，情亦猶人耳。抗日戰爭起後，四方奔走，世變攪心，乃時不自禁而發爲詩歌。稿成吟罷，輒隨手棄去，或爲友人散之報章，遂有目吾爲詩人者矣。吾固自知，於詩道爲門外漢，又烏足以當詩人之稱？實好之而非曰能之也。去秋今春兩次於役新疆，均曾得詩若干首，而以今春所得爲獨多。蓋曾周歷南疆，五千里途程，往返皆以汽車。車廂排悶，哦詩最宜。此冊十九皆成於車中，體裁不一。中有

自由詞數首，長短句隨意，不依詞牌，蓋有意爲之者。大膽嘗試，冀爲中國詩闢一新路。悉付剞劂，竊願就正於大雅，倘嚴格論詩，吾知其中許多，實不足稱爲詩者。特以見聞感想所及，製成韻言用代日記，而正名曰亂唱。職此之故，文字較簡，可省印費。亦冀閱者藉此冊而得略知邊疆今日之情況與吾對邊疆之見解感想爲何如耳。

梁寒操

三十二年
三月二十八日

第一次西行 三十一年八月至九月

蘭州得句

卅一、八、廿四。

(一)

瓜兒甜醉梨兒軟。雋味堪誇莫與儔。日日朵頤瓜與梨。何妨長與住蘭州。

(二)

家家樹不作森林。西北荒涼豈是今。人定勝天齊努力。蘭州原是國中心。

(三)

玉門油已罄龍噴。寶藏深埋待更探。璀璨神州憑剏造。不須惆悵望江南。

(四)

禿嶺荒涼孤塔峙。雲天寥廓一鷹橫。自由獨立瞻新境。壯我西陲萬里行。

(五)

先民偉烈尙流傳。筆路當年說五泉。祖武不強真大恥。至今胡騎尙中原。

(六)

興隆山上樹葱龍。大帝衣冠舊梵宮。薄暝登臨增氣壯。西行拜命謁元戎。

登嘉峪關

鴻爪那知又此關。長城如帶耐盤桓。漢家盛業重憧憬。博望遙馳宛馬還。
分明甘肅一長廊。西域重通繼漢唐。楊柳半天懷舊烈。眼光如炬左宗棠。
平沙無際一長途。關塞奇觀喜欲呼。樹入空光成倒影。乍疑此地有西湖。
磧原千里罕人蹤。南望祈連北馬羣。獨立蒼茫無限感。上天下地一圓穹。

次韻答尤青送別嘉峪關

男兒弧矢志長征。我北君南萬里行。嘉峪關前珍重別。詩心廓落意縱橫。
壬午秋奉 令之新疆途過蘭州遇胡宗南將軍同飛酒泉送余至嘉峪關索賦
與君天際共星槎。博望英風憶漢家。今日峪關珍重別。丹心同爲愛中華。

明朝雲嶺隔重重。我向西飛君向東。難忘挑潭千尺意。此生長爲寫心中。
又次韻答 尤青兄嘉峪關送別

國史中興一頁開。元戎巡閱九邊來。朝陽匝地春光似。我輩迎人喜氣堆。
建國千年憑整武。拓荒萬里正需材。有懷博望慚疏陋。相祝功成一舉杯。
由嘉峪關飛迪化機中

(一)
銅鵬展翼又西飛。虎虎風聲似顯威。千里沙黃翻巨浪。一天雲白閃奇輝。
版圖自古歸鄰夏。甌脫於今嘆式微。願託德威弘大道。神州長久奠邦畿。

(二)
苟利國家生死以。豈因禍福避趨之。童年入腦文忠句。壯歲銘心武穆詞。
男兒頭豈閉中白。志士功從塞上奇。悟得歲寒松柏意。吾曹今日正逢時。

(三)

相扶休復再相殘。回首何堪觸與蠻。主義弘揚西域去。春風麗日滿天山。

(四)

建國資源油與金。天留大寶此間沉。先須鐵路敷西北。國父當年有指針。

自迪化飛伊寧機中鳥瞰，

三一、九、一八。

影頤盤地罕人烟。曼衍魚龍莫計年。彌望黃沙思海底。長年皚雪見山巔。
樹沿水曲迴環緣。湖映陽光絢爛妍。大塊文章誰得寫。天然巨幅彩雲箋。

集句贈朱長官一民

壯士揮戈迴白日。將軍談笑靜邊塵。

集句書贈盛督辦贊庸

忠義必期清塞水。國家方倚作干城。

第二次西行

三十二年一月至三月

迪化一月

一月九日至三月九日

西行寫懷 自由詞

三二、一、十二。

此身合是天涯，莫須念家山何處！

倘老死庭園，鬪豚圍鹿，天生只算虛汝。

男兒蓬矢桑弧，固當南北東西去。

看人間何世，寇盜縱橫，四海已無寧宇。

最不喜那新亭名士，嘆亂嗟窮，涕淚如雨。

又何聊似旗亭兒女，苦別愁離，依依絮絮。

國隕家何寄？衛國肯爲邊地戍。

生來死便隨，捐生當任狂瀾禦。

況是時代無情，韶華難住。

馳驅爲黨，捧檄更何猶豫。

未遂南征安海甸，猶當西走固疆圉。

舍生才可得長生，莫忘記景尊金句。

去去！去去！

有生當作駝與獅，寧死不爲狐與鼠。

我眼中的新疆

（自由詞）

億萬年前龍世界，兩千載中華圖版。

西域迢迢，中一脈天山橫貫。

合四圍叢嶺，盆地劃天然，北南各半。

可惜是人烟罕見，徒見風埃漫漶。

如此好山原，一任宅野草紛茲蔓。

都只爲：年年短雨，日日驕陽，水哉！水哉！愁嘆。

誰用牛耕，只堪馬走，到處感天空野汎。

心灰且慢！

撤去那戈壁龍堆，可耕良地真無限。

試捧土端詳，不是流沙，是砂土，中原見慣。

有山頂長年積雪，不斷消溶，處處可引它流灌。

春夏耕耘，秋冬刈獲，一樣棉桑麥粳。

更難得是歲歲豐收，從無潦患。

鄭國河渠、文忠坎井、戡天有術人休懶！

何況那阿泰金苗，烏蘇油井，屯頭河鉄，拜城銅，一一是中華資產。

缺乏只愁人力耳！今開發，猶未晚！未晚！未晚！

佇三年，天河洗甲，邊域屯田，興犬聲聞，壯士家家鉅戰。

更相期，十載必能成，把鉄軌伸延，火車連串。

多少中華兒女，願大家身手，雄姿顧盼。

莫戀舊家園，創開新世界，努力經營，相與移民千萬！

革命軍塞外行（調寄滿江紅）朱長官一民屬爲邊疆軍隊作

慷慨高歌，歌聲裏豪情激越。俺好漢頂天立地，轟轟烈烈。策馬橫衝戈壁地，
揮戈直指崑崙雪。獻此身爲國效馳驅。心堅決！衛真理，清妖孽。行革命，拚
血！革命軍那怕百撓千折！環境任驚濤駭浪，胸次總光風霽月。你看俺，中國
兒，剛如鉄。

疊韻謝

涵序見存

一、廿七。

毒鯨翻浪痛橫流。絕漠豪懷企陸游。赤血拚將塗禹甸。丹心長與護神州。
揮疆未遂終軍願。瀚海還追博望舟。天遠一詩勞問訊。皋蘭河處苦凝眸。

又

新潮鼓吹憶名流。夢逐宣南仗劍遊。濤浪廿年營世局。風雷滿地喜神州。
使君僕僕臨洮馬。賸子栖栖瀚海舟。不已鴉鳴終破曉，滿天霞彩入吾眸。

西域之寒

一、二九。

九九嚴寒塞域遼。過河人馬不須憐。空空樹杪春猶寂。皚皚山頭歲弗消。
馬尾駝鬚冰縷縷。柳枝楊骨雪條條。半年原野無花草。獨有蒼松節操驕。

南疆逐日

卅二年二月十日至三月廿三日

離迪化赴吐魯番途中

三二、二、十。

(一)

摒絕征夫念，衝寒訪僻陲。沉沉人策馬，翼翼我乘車。
凍雀啣枯草，兇鴉啄死驢。生存芻狗酷，詩意慘難舒。

(二)

觀生更觀變。參老亦參儒。獸類羣難共。人生責（念債亦可）豈除。
循環知剝復。消息見盈虛。商略天人理。傾心耶墨書。

(三)

萬里投荒意。隨因各不同。功名嫌淺薄。富貴笑凡庸。
眞理應無隱。微生莫有躬。心私吾亦爾。大樂得斯中。

大坂城打尖

二、十。

劫後荒涼大坂城。垣頽井斷室凋零。子遺銜淚言猶恨。該殺千刀馬仲英。
大坂城本居民不少，自經馬仲英殘殺後，今甚荒涼。

鄧善（漢時劫與狐胡之地）宴各族首長 二、十一。

當筵賓雜選。無酒亦歡顏。手捏羊脂飯。刀分羶脾餐。
甜瓜增胃健，遛蒜止喉饒。問答憑傳譯。相知未是難。

吐魯番（古車師地）譙維族同胞

三二、二、十二。

今宵別樣歡愉，譙維族同胞，踰跟滿座。

入鄉隨俗，清茶代酒，東道囊無多破。

祇羊肉凍餐，羊脂熱飯，風味都稱可。

試窺人隔席，抓飯輪脣，暴殄曾無半顆。

笑我未能爲，要賴箸匙相助。

機緣休錯！便把 國父元戎德音宏播。

見那白髮老翁，黑鬚壯士，點頭傾耳頻頻，心中似共鳴和。

掌聲潮湧，樂煞主人真箇！

大阿洪答語隨來，說中央如此惠民，一向何曾見過。

那似前朝，官民分隔，堂簾階級千層阻。

今絕悟，三民主義，全爲同胞，吾曹須作先修課。

更決誓，追隨入黨，救國責，共同荷！

語從肝膽，聲出心魂，我知他，言信行尤果。

願告吾黨青年，何愁賣力無由，此地卽工作最佳場所！

離托克遜赴焉耆車經臥虎不拉溝

二、十四。

西
(臥虎不拉維語猶言兒馬泉也。新疆人說牡馬曰兒馬。)

行臥虎不拉谷，百里貫西東。碎石鋪泥面。堅冰結路中。卽今無鳥獸。溯古有魚龍。
。禿嶺重重繞。頑山密密籠。天然單路透。不用五丁通。冷寂人烟絕。斑斕嶂色濃。
。店孤栖可借。泉獨飲堪供。顛簸驅車度。平生一異逢。

庫米什記所遇

二、二四。

日午車停庫米什，攜來雜食謀充饑。水火商量覓旅店，店主維民兩口兒。店唯一
室室一炕，來客多寡咸居茲。炕頭有龜鬱薪炭。煮飯烹茶都在斯。室外空廊廊外
院，貧孩破服拖鼻涕。獸糞畜糞散滿地，馬驢三五時號嘶。始知邊塞旅行苦，住
宿煞感成難題。店中喜遇一維叟，深目隆準嵌豐頤。髮鬚俱白猶矍鑠，謙恭讓炕

無遲疑。觀風問俗吾所樂。委託譚譯爲通詞。問叟年歲今幾何？七十有二逾古稀。
旁隨幼子年十六。紫頰圓眼多英姿。叟有四男與一女。此子最幼時相攜。來從
古城道過此，有事勾當趨焉耆。帶來三馬健且碩。一乘愛子一親騎。另一以爲馱
行裝，凍肉乾糧皆備齊。寒風凜冽未穿襪，破鞋腳踏陳膠皮。問叟汝今執何業？
西長途跋涉何苦爲？自陳經商走各地，時須來往清收支。老年乏力事耕種，販布藉
行謀衣食資。焉耆猶距三百里，到此小憩輕勞疲。更行兩日或可達，端賴天爺恩護
亂持。幼子今猶讀小學，半年卒業快有期。幾時娶婦戲相詰，小子避客顏忸怩。叟
唱笑婚姻自天定，何年誰女焉能知。問叟願否兒入伍，使渠爲國供驅馳。叟言全聽
政府命，有兒不敢自私之。國有良民足模楷，可壯西陲入我詩！

自庫米什至和碩

二、一四。

荒磧幾千里。沿途莫見村。低昂車欲折。顧盼客無言。鴉隊山中寇。駝羣漠上船。
何當通鐵軌。此地亦中原。